

کتابخانه

آدرس: نیا-مئنده آریجه
• غروش کوندرملیدر.

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد خاکف

والله یهدی من یشاءالی صراط مستقیم

آبونه شرائطی : هریر ایچون
سنه لکی (۴۰۰) التی ایلمی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدر.

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنده
رشید اقدی خاندنه

اخطارات

آبونه بدلی پشیندر .

مسئله موافق آثار مع المنونیه
قبول اولنور . درج ایدله بن
یازیر احاده اولنماز .

ریزه استعدا مسئله سی

۲۰ ایلول تاریخی «جمهوریت» غزته سنده (ریزه) دن کشیده ایدلش
شویله بر تلغراف وار ایدی :

«ریزه ۱۸ [مخبر مخصوص مژدن]

ایکی مفتینک غرب بر استعدا سی

پاشا حضرتلرینک حکومت دائره سندن عودت نری اناسنده ریزه
و آتیه مقتیلری طرفندن کندیلرینه بر استعدا ویرلمشدر . استعداده
مدرسه لرك تکرار کشادی طلب ایدیلوردی .

رئیس جمهور حضرتلری استعدا محتویاتنه مطلع اولونجه عصبیلشمشدر
ومفتیله خطاباً :

— توحید تدریساتی ایسته یورسکز ؟ بومت مکتب یا مایه جقمی ؟
شمدی به قدر کری قلامزده ال بیوک عاملک نه اولدیغنی بیامور میدسکز ؟
خبر ، مدرسه لر آچیلمايه بحق !

بویورمشدر و خلق طرفندن شدتله آقیشلانمشدر . پاشا حضرتلری
خطابه لرینه دوام بویورارق :

— اطاشه کزیمی دوشونیورسکز ؟ مستریح اولک ، عبادت کزله
اوغراشک . براقک بوملق . یوقسه بو قراری ویرن مجلسده سزدن
بویوک ماللرمی یوق ؟ ملت بیلدیکی کبی یا باجق .

پاشا حضرتلری تکرار شدتله آقیشلانمشدر . و متعاقباً والی بکله
برمدت قونوشمشدر و از جمله :

— بو آدم لر بوراسنی ایران کییمی یا یبق ایسته یورلر ؟ دیمشدر .
اهالی متینغلری تخطئه ایتمش و فایزینک خطابه سندن چوق ممنون اولمشدر .
(جمهوریت) غزته سنک تلغرافی بوراده بیتیور .

«طنین» غزته سی سر محرری حسین جاهد بک ده ۲۲ ایلول تاریخی
نسخه به مصادف باش مقاله سنده «ریزه حادثه سی» سر نامه سی آلتنده
بو حادثه بی اوزون اوزادی به تحلیله چالیشیور ؛ کندی کندینه بر طاقم
معنار ، مقصدلر چیقاریور . چیقاردیغنی معنا و مقصدلری کندی

ارزوسنه ، افکار ذاتیه سنه او یغون بوله رق اظهار شادمانی ایدیلورد .
بز ، حسین جاهد بکک سائر افکار و مطالعاتیله علاقه دار دکاز .
یا لکز علی العاده بر استعدا مسئله سی بویولته رک ، تعبیر دیگرله حبه بی
قه یا به رق اورتایه بیوک بر مسئله آتقی ایسته مه سی تنقید ایده جکز .

بز ، بو طرز حرکتدن شونی اکلایوروز . حسین جاهد بک استعدا
مسئله سی وسیله اتخاذ ایده رک مدرسه لری آچماق فکرنی تلقین
ایتمک چالیشیور . استعدا مسئله سی اگر حقیقه واقع ایسه ،

علی العاده و بسیط بر مسئله در . غازی پاشا بو کون ملت و دولتک ریاست

عمومیه سنده بولنیور . رهبرک ایتدیکی ملتک درد لرینی ، احتیاج لرینی
اکلایوب دیکله مه سی بک طبیعیدر . ملتک اوکا دردینی سویله مه سی ،
احتیاجنی بیلدیرمه سی ده عین درجه ده طبیعی ضروریدر . ایکی مفتی
افندینک اصول دائره سنده و کمال حرمتله اوکا بر استعدا تقدیم
ایتمه سی نهدن بو درجه اعظام ایدیلورد ؛ حسین جاهد بکک حبه بی
قه یا یبق ایسته دیکنه صریح بز قرینه من وار : تلغرافده بر «متینغ»
کله سی کوریلورد . بو کلامک آلت و اوست طرفنده کی سوزلردن
کله مذکور مک یا کلش اولدیغنی صراحتاً آکلاییلورد . بز هیچ شبهه
ایتمورز که او کله «متینغ» دکلد ، «مفتی» در . یا مخبر یا کلش
ضبط ایتمش و یا خود تلغراف مأموری کلینی یا کلش اوله رق آلمشدر .
کیفیتک بویله اولدیغنی تأیید ایدن نقطه لری ده عرض ایدلم :

اوله بر متینغ یا یبق لازم کلسه بونی اهالی یا باجقدر . حال بو که
تلغراف پاشا حضرتلرینک اهالی طرفندن شدتله و مکرراً آقیشلاندیغنی
خبر ویریور . سوکره اهالی طرفندن متینغک تخطئه ایدلیدیکی یازیلورد ،
اگر اورته ده بر متینغ مسئله سی وارسه کیم کیمی تخطئه ایدیلورد ؟
حسین جاهد بکک ذکاسی بو جهتی آکلایمايه کافی ایکن نیچون آکلای-
مارلندن کلورد ؟ کندیلرینی زیارته کلن عزیز و بیوک مسافر لرینه ،
متینغ یا یبق صورتیله احترام سزلق کوستره جکلرینه احتمال و بر مک ریزه
اهالیسی رنجیده ایده جک بر بهتاند . مسئله نک بوتون روحی «جمهوریت»
غزته سنک مخبر یله حسین جاهد بکک مسئله بی بساطتدن چیقارمش
اولمزلرنده در . و یا کلش معلومات و مسموعات اوزرینه بنای مطالعه
ایتمزلرنده در . بز ، او قناعتده بز که اعظام ایدلیدیکی شکلده بر مسئله
یوقدر . مسئله علی العاده بر استعدا تقیم ایدلمه سندن عبارتدر .
بشقه درلوسنه احتمال ویره میوروز . چونکه نه ریزه اهالیسی پاشا
حضرتلرینه فارشی متینغ یا یبق کستاخانغنی کوستریر ، نه ده پاشا حضرتلری
اصولی دائره سنده و کمال احترامله کندیسنه تقدیم ایدیلن بر استعدادن
عصبیلشیر . مدرسه لر علم او جاقلریدر . بو علم و فن عصرنده علم او جاقلری
علیهنده بوله جق کیمسه تصور ایدمه یز .

شوره داخلیه

موصول مسئله سی

موصول تورکیه عائد اولدیغنی مدافعه ایتک اوزره بویوک ملت
مجلسی رئیس فتیح بکک تحت ریاستنده جمعیت اقوام نزدیکه کیدن
هیئت مرخصه من اوزون و مدال بر مخطر قلمه آلارق مذکور
جمعیتک کاتب عمومیلکنه تودیع ایلشدر . موصول اوزرنده حقوق
صریحه مزنی بک آجیق بر صورتده اثبات ایدن سیاسی ، تاریخی ،